



Broj: 03-16-8-1181-19/15  
Sarajevo, 13.11.2015.godine

Na osnovu člana 100. Zakona o javnim nabavkama ("Službeni glasnik BiH" broj 39/14), Izjašnjenja Komisije za javne nabavke broj: 03-16-8-1181-18/15 od 13.11.2015 i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), Kolegij Sekretarijata Parlamentarne skupštine Bosne i Hercegovine u postupku razmatranja žalbe "EMADO" d.o.o. Sarajevo od 9.11.2015.godine u predmetu javne nabavke računarske opreme za potrebe Parlamentarne skupštine Bosne i Hercegovine za Lot 1. Računari, donio je

## ODLUKU

**Usvaja se Žalba na odluku o izboru najpovoljnijeg ponuđača za Lot 1. ponuđača "EMADO" d.o.o. Sarajevo od 9.11.2015.godine i ZAMJENJUJE SE dispozitiv Odluke o izboru najpovoljnijeg ponuđača broj : 03-16-8-1181-13/15 od 4.11.2015.godine tako da dispozitiv nove odluke glasi:**

### I.

Ugovor za nabavku računarske opreme za Lot 1. Računari, dodjeljuje se izabranom ponuđaču "EMADO" d.o.o. Sarajevo, ul. Kemala Kapetanovića bb , 71 0000 Sarajevo, IDB 4201929330005, za ponuđenu cijenu od 18.376,84sa PDV-om, kao najbolje ocijenjenom ponuđaču.

### II.

(1) Izabrani ponuđač dužan je dostaviti dokaz o kvalificiranosti u pogledu lične sposobnosti u roku od 5 (pet) dana od dana prijema obavještenja o izboru najpovoljnije ponude, a prema tački 11.10 tenderske dokumentacije za nabavke računarske opreme za potrebe Parlamentarne skupštine Bosne i Hercegovine.

(2) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljiv dokaz, Odluka o izboru najpovoljnijeg ponuđača će se poništiti i ugovor dodijeliti drugorangiranom ponuđaču.

### III.

Prijedlog Ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

### IV.

Ova odluka objavit će se na web stranici ugovornog organa [www.parlament.ba](http://www.parlament.ba), istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

### V.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) i članu 100. stav (3) Zakona o javnim nabavkama.

### VI.

Danom donošenja ove Odluke prestaje da važi Odluka o izboru najpovoljnijeg ponuđača broj : 03-16-8-1181-13/15 od 4.11.2015.godine.

## Obrazloženje

Odlukom o izboru najpovoljnijeg ponuđača broj : 03-16-8-1181-13/15 od 4.11.2015.godine odlučeno je da se Ugovor za nabavku računarske opreme za Lot 1. Računari, dodjeli ponuđaču NETWORK I d.o.o. Bijeljina, ul. Potporučnika Smajića 26, 76 000 Bijeljina, IDB 4402199430004, za ponuđenu cijenu od 21.716,37 KM sa PDV-om, kao najbolje ocijenjenom ponuđaču.

Na navedenu odluku žalbu je izjavio ponuđač "EMADO" d.o.o. Sarajevo koje je u žalbi naveo slijedeće:

- "...u dostavljenoj odluci Parlamentarne skupštine stoji :”Ponuđač Emado d.o.o. Sarajevo se odbija kao neprihvatljiv jer nije ponudio Intel HD Graphics Integrated koji je zahtijevan tenderskom dokumentacijom za nabavku računarske opreme, Obrazac za cijenu ponude za Lot 1. Računari – minimalne tehničke karakteristike“.  
Ovim smatramo da je učinjen propust prilikom tehničke evaluacije ponuda, te se ponuđeni procesor nije detaljno provjerio od strane Ugovornog organa. Firma Emado d.o.o. je u svojoj ponudi br. 1410/015-PS\_LOT 1. dostavila izjavu u kojoj je izjavljeno da ponuđena konfiguracija zadovoljava SVE tehničke uslove postavljene tenderskom dokumentacijom br. 03-1-6-8-1181-5/15. Ove navode firma Emado d.o.o. je potvrdila u svom dopisu kao odgovor na Vaš upit br. 03-1-6-8-1181-8/15 od 21.10.2015.godine, što u nastavku i obrazložemo.  
Razvojem informacionih tehnologija i novih generacija procesora, integrisana grafička kartica se ne nalazi na ploči već je sastavni dio procesora koji je naveden u ponudi (CPU INT Core i3 4170), te samim tim je sastavni dio ponude. Bez ovog dijela ponuđena konfiguracija bi bila neupotrebljiva tj. ne bi bila u funkciji bez dodatne grafičke kartice...”
- Kao dokaz naprijed navedene tvrdnje žalioac "EMADO" d.o.o. Sarajevo je dostavio detaljnu specifikaciju ponuđenog procesora sa web stranice proizvođača gdje se jasno vidi da ponuđeni procesor ima integrisanu Intel HD Graphics 4400.

Prije nego što se upustio u meritorno odlučivanje, Kolegij Sekretarijata je pristupio provjeri formalnih pretpostavki za ulaganje žalbe, koje moraju biti ispunjene, kako bi se uopće pristupilo rješavanju iste, a odnose se na uslovljene pretpostavke propisane odredbama člana 100. stav (1) Zakona o javnim nabavkama Bosne i Hercegovine.

Kolegij Sekretarijata je utvrdio da je žalba blagovremena, dopuštena i izjavljena od strane ovlaštenog lica.

Nakon razmatranja žalbenih navoda i uvidom u Izjašnjenje Komisije za javne nabavke broj: 03-16-8-1181-18/15 od 13.11.2015.godine, Kolegij Sekretarijata je ocijenio da su žalbeni navodi opravdani.

Naime, detaljnom analizom pojedinačnih komponenti iz tehničke specifikacije za nabavku računara žalioca "EMADO" d.o.o. Sarajevo i provjerom na web stranici proizvođača na koju je ukazao žalioac (<http://ark.intel.com/products/77490/Intel-Core-i3-4170-Processor-3M-Cache-3-70-GHZ>) Komisija za Javne nabavke je utvrdila da se komponenta Intel HD Graphics Integrated ne nalazi na matičnoj ploči već je sastavni dio procesora koji je naveden u ponudi (CPU INT Core i3 4170) a što je u skladu sa zahtjevima Tenderske dokumentacije za nabavku računarske opreme, Obrazac za cijenu ponude za Lot 1. Računari – Minimalne tehničke karakteristike.

Uzimajući u obzir naprijed navedene činjenice, Komisija za javne nabavke je izvršila ponovnu evaluaciju svih dostavljenih ponuda te utvrdila da je i ponuđač "REBUS" d.o.o.

Sarajevo ponudio procesor ciji je sastavni dio Intel HD Graphich Integrated a što je u skladu sa zahtjevima Tenderske dokumentacije za nabavku računarske opreme, Obrazac za cijenu ponude za Lot 1. Računari – Minimalne tehničke karakteristike.

Nakon ponovne evaluacije svih dostavljenih ponuda za nabavku računarske opreme za Lot 1. Komisija za javne nabavke je utvrdila slijedeće:

- a) Ponuđač Optima IT d.o.o. Mostar se odbija kao neprihvatljiv jer je ponudio zvučnike koji nisu integrisani sa zvučnom (audio) karticom što je suprotno zahtjevima ugovornog organa navedenim u dopisu Pitanja i odgovori u vezi tumečenja Tenderske dokumentacije broj: 03-16-8-1181-5/15 od 2.10.2015.godine koji je navedeni ponuđač zaprimio preporučenom poštom sa dostavnicom dana 5.10.2015.godine;
- b) Ponuđač EXCLUSIVE d.o.o. Sarajevo se odbija kao neprihvatljiv jer je ponudio integrisani audio priključak na matičnoj ploči (a ne i integrisane zvučnike) što je suprotno zahtjevima ugovornog organa navedenim u dopisu Pitanja i odgovori u vezi tumečenja Tenderske dokumentacije broj: 03-16-8-1181-5/15 od 2.10.2015.godine koji je nevedeni ponuđač zaprimio preporučenom poštom sa dostavnicom dana 5.10.2015.godine;

Komisija za javne nabavke je utvrdila da ponude ponuđača IMTEC d.o.o Sarajevo, R&S d.o.o. Sarajevo, MMCC d.o.o. Sarajevo, FIXIT d.o.o. Sarajevo, NETWORK I d.o.o. Bijeljina, SK TRADEING d.o.o. Sarajevo i PRINTEX.o.o. Sarajevo, EMADO d.o.o. Sarajevo i REBUS d.o.o. Sarajevo ispunjavaju formalno pravne, ekonomske i tehničke uslove, odnosno zahtjeve ugovornog organa, te konstatuje da su navedene ponude prihvatljive za ugovorni organ i da mogu biti predmetom vrednovanja shodno utvrđenim kriterijima u Tenderskoj dokumentaciji.

Rangiranje prihvatljivih ponuda prema kriteriju najniže cijene za izbor ponude- Nabavka računarske opreme , Lot 1. Računari :

Ponuđač	Ukupna cijena ponude u KM sa uračunatim PDV-om	Rang
EMADO d.o.o. Sarajevo	18.376,84	1
REBUS d.o.o. Sarajevo	20.050,64	2
NETWORK I d.o.o. Bijeljina	21.716,37	3
MMCC d.o.o. Sarajevo	23.169,51	4
PRINTEX.o.o. Sarajevo	24.709,30	5
FIXIT d.o.o. Sarajevo	24.879,91	6
R&S d.o.o. Sarajevo	24.891,75	7
IMTEC d.o.o Sarajevo	26.315,29	8
SK TRADEING d.o.o. Sarajevo	26.936,91	9

Shodno navedenom, Komisija za javne nabavke je preporučila Kolegiju Sekretarijata (Izjašnjenja Komisije za javne nabavke broj: 03-16-8-1181-18/15 od 13.11.2015.), da u postupku nabavke računarske opreme za Lot 1. Računari, usvoji Žalbu na odluku o izboru najpovoljnijeg ponuđača za Lot 1. ponuđača “EMADO” d.o.o. Sarajevo od 9.11.2015.godine i ZAMJENI Odluku o izboru najpovoljnijeg ponuđača broj : 03-16-8-1181-13/15 od 4.11.2015.godine novom odlukom kojom će ugovor za nabavku računarske opreme za Lot 1. Računari, dodjeliti izabranom ponuđaču “EMADO” d.o.o. Sarajevo, ul. Kemala Kapetanovića bb , 71 0000 Sarajevo, IDB

4201929330005, za ponuđenu cijenu od 18.376,84sa PDV-om, kao najbolje ocijenjenom ponuđaču.

Kolegij Sekretarijata Parlamentarne skupštine Bosne i Hercegovine prihvatio je naprijed navedenu preporuku Komisije za javne nabavke i donio odluku kao u dispozitivu.

**Pravna pouka:**

Protiv ove odluke može se izjaviti žalba URŽ-u putem Parlamentarne skupštine Bosne i Hercegovine u roku od 5 (dana) dana od dana prijema ove odluke.

Dostavljeno:

1. MMCC d.o.o. Sarajevo, Džavida Haverića 7 b
  2. OPTIMA IT d.o.o. Mostar, Hrvatskih branitelja 8 a
  3. FIXIT d.o.o. Sarajevo, Zaima Šarca 34
  4. EMADO d.o.o. Sarajevo, Kemala Kapetanovića bb
  5. REBUS d.o.o. Sarajevo, Derviša Numića 1 a
  6. IMTEC d.o.o. Sarajevo, Pijačna 114
  7. R&S d.o.o. Sarajevo, Igmanska bb, Vogošća
  8. NETWORK d.o.o. Bijeljina, Poručnika Smajića 26
  9. EXCLUSIVE d.o.o. Zenica, Podružnica Sarajevo, Kolodvorska 12
  10. PRINTEX d.o.o. Sarajevo, Hasana Sušića 9 i 11
  11. SK TRADEING d.o.o. Sarajevo, Zuke Džumbura bb
1. Sektoru za finansije
  2. sekretaru Komisije za nabavke Eldina Smailagić
  3. a/a

**KOLEGIJ SEKRETARIJATA:**

**Aida Koristović** \_\_\_\_\_

**Bojan Ninković** \_\_\_\_\_

**Marin Vukoja** \_\_\_\_\_